



Rao ka sōmb n ges a ra-taag yānde, pag me ra tug n get a pug-to yānde

Yii a Abu Sa'ūd Al-ḥudriy nengē, (Wënd yard be a yīnga), tı Wënd Tēn-tuuma, (Wënd puusg la A tılgr be a yīnga) a yeelame: «Rao ka sōmb n ges a ra-taag yānde, pag me ra tug n get a pug-to yānde, la rao me ra tug n naag rao n pil fu-yend ye, pag me ra tug n lagem a pug-to n pil fu-yend ye».

[Naşun Şahuhun (Gom-sikdem sēn manege)] [A Muslim n togs-a]

Nabiyaađ (Wënd puusg la A tılgr be a yīnga) gıdgame, tı rao ges a ra-taag yānde, maa pag wa tug n get a pug-taag yānde. La yāndā: yaa būmb fāa b sēn zoet yānde t'a sā n vēnege, la rao yānde yaa būmb ning sēn be a yūugā la a rŭmā suka, La pag zāngā fāa gill yaa yānde, sā n yaa ne ra-zēmse, la sā n yaa ne a pug-taaba la a rog-pētse, rēnd a tōe n vēnega būmb ning sēn vēnegd rog-n-mik pugē, a sēn wat n tumd zakē. Nabiyaađ (Wënd puusg la A tılgr be a yīnga) gıdgame tı rao wa tug n lak ne raoa fuug a yembr pugē maa fu-goabg pugē, tı b yaa sēn yeeg b futā, maa pag wa tug n lak ne a pug-to fuug a yembr pugē maa fu-goabg a yembr pugē, tı b yaa sēn yeeg b futā, bala rēnda yıta sabab t'a to wa tug n sus a to yānde, la yāndā susg gıgdame wala a gesgā sēn gıdgā, yē meng n pus n gıgd n keng n yılda, bala a yıta sabab n wat ne sāang bedre.

<https://sunnah.global/hadeeth/mos/show/8904>

